

## Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 17.03.2018թ. թիվ 1807779495 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 04 2018թ. 174-43631-18/174-5779

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Էդուարդ Նազարեթյանի դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Երևան քաղաքի Մաշտոցի պողոտայի 2 շենքի 23 բնակարանի բնակիչ Էդուարդ Նազարեթյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 17.03.2018թ. թիվ 1807779495 որոշմանը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման և տեղանքի լրացուցիչ ուսումնասիրության արդյունքում պարզվել է, որ դիմումատուին պատկանող տրանսպորտային միջոցը Երևան քաղաքի Տիգրան Պետրոսյան - Փիրումյանների փողոցների խաչմերուկի հատվածում 09.03.2018թ. ժամը՝ 10:30-ին միայն ուղիղ և ձախ թույլատրվող երթևեկելի գոտուց կատարել է հետադարձ չպահպանելով «Կառավարության «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին»» թիվ 955-Ն որոշմամբ սահմանված՝ 3.19 «Հետադարձն արգելվում է»» ճանապարհային նշանի պահանջը:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Տիգրան Պետրոսյան - Փիրումյանների փողոցների խաչմերուկի հատվածում Տ.Պետրոսյան փողոցի վրա Սասնա Շուեր փողոցի կողմից դեպի տվյալ խաչմերուկ երթևեկող տրանսպորտային միջոցների համար տեսանելի վայրում՝ տեղադրված է 3.19 «Հետադարձն արգելվում է»» ճանապարհային նշանը: Վերը նշված նշանը տեղադրվել է 21.05.2017թ. 5.15.1՝ «Երթևեկության ուղղությունները գոտիներով» ճանապարհային նշանի հետ միասին երթևեկելի մասի վրա 1.1 հոծ գծանշման սկզբնամասում:

Այսպիսով դիմումատուի արարքում ակնհայտ է Վարչական իրավախախտումների վերաբերյալ «Օրենսգրքի 124-րդ հոդվածի 1-ին մասի զանցակազմի առկայությունը, հետևաբար նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

## Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.03.2018թ. թիվ 1807779495 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան» օրենքով սահմանված կարգով և ժամկետներում:
3. Սույն որոշման օրինակն ուղարկել Էդուարդ Նազարեթյանին և ՃՈ ՏՄՀԽԱ կենտրոն



Ե.Կարապետյան